

Broj: 02C-8791-11/22

Datum: 20.10.2022. godine

Na osnovu odredbi člana 64. stav (1) tačka b), člana 70. stavovi (1), (3) i (6) Zakona o javnim nabavkama („Službeni glasnik BiH“, broj: 39/14), člana 8. stav (2) tačka d) Pravilnika o uspostavljanju i radu Komisije za nabavke („Službeni glasnik BiH“, broj: 103/14) i člana 27. Statuta Javne ustanove Opća bolnica „Prim. dr. Abdulah Nakaš“, na Preporuku Komisije o izboru najpovoljnijeg ponuđača, broj: 02C-8791-9/22 od 19.10.2022. godine, u postupku javne nabavke – **Rekonstrukcija i adaptacija prizemnog dijela objekta za potrebe dnevne bolnice/3**, direktor Javne ustanove Opća bolnica „Prim. dr. Abdulah Nakaš“, donio je

**ODLUKU**  
**o izboru najpovoljnijeg ponuđača**

**Član 1.**

Prihvata se Preporuka Komisije o izboru najpovoljnijeg ponuđača, broj: 02C-8791-9/22 od 19.10.2022. godine i Ugovor za javnu nabavku – **Rekonstrukcija i adaptacija prizemnog dijela objekta za potrebe dnevne bolnice/3**, dodjeljuje se ponuđaču:

- **GENERAL CONSTRUCTIONS d.o.o. Sarajevo, ponuda broj: 104002-PON0001-22V1, dostavljena dana 04.10.2022. godine sa konačnom cijenom ponude od 274.480,04 KM bez uračunatog PDV-a, odnosno 321.141,65 KM sa uračunatim PDV-om kao jedinom kvalifikovanom i prihvatljivom ponuđaču.**

**Član 2.**

Postupak iz člana 1. ove Odluke proveden je metodom „otvoreni postupak“, te je nakon otvaranja i evaluacije ponuda trebala biti provedena „E-aukcija“, a za izbor najpovoljnijeg ponuđača korišten je kriterij „najniža cijena“.

Ugovorni organ je u Tenderskoj dokumentaciji predvidio provođenje E-aukcije.

**Član 3.**

U postupku nabavke iz člana 1. ove Odluke zaprimljena je 1 (jedna) kvalifikovana ponuda ponuđača:

1. GENERAL CONSTRUCTIONS d.o.o. Sarajevo, sa ukupnom cijenom ponude u iznosu od 274.480,04 KM bez uračunatog PDV-a.

U skladu sa članom 3. stav (3) Pravilnika o uslovima i načinu korištenja E-aukcije („Službeni glasnik BiH“ broj 66/16) u slučaju prijema jedne prihvatljive ponude E-aukcija se ne može zakazati, nego se postupak okončava u skladu sa članom 69. Zakona o javnim nabavkama („Službeni glasnik BiH“ broj 39/14).

U postupku nabavke iz člana 1. ove Odluke zaprimljena je 1 (jedna) nekvalifikovana ponuda ponuđača:

1. KOLINVEST d.o.o. Sarajevo, sa ukupnom cijenom ponude u iznosu od 237.480,04 KM bez uračunatog PDV-a.

#### Član 4.

Izabrani ponuđač GENERAL CONSTRUCTIONS d.o.o. Sarajevo oslobađa se obaveze dostavljanja originala ili ovjerenih kopija dokumentacije iz člana 45. Zakona o javnim nabavkama jer je iste dostavio uz ponudu.

#### Član 5.

Prijedlog ugovora o nabavci dostavit će se na potpis izabranom ponuđaču nakon isteka roka od 15 (petnaest) dana, računajući od dana kada su svi ponuđači obaviješteni o izboru najpovoljnije ponude.

#### Član 6.

Ova Odluka objavit će se na internet stranici Javne ustanove Opća bolnica „Prim. dr. Abdulah Nakaš“ ([www.obs.ba](http://www.obs.ba)), istovremeno sa upućivanjem ponuđačima koji su učestvovali u postupku javne nabavke, u skladu sa odredbama člana 71. stav (2) Zakona o javnim nabavkama.

#### Član 7.

Ova Odluka stupa na snagu danom donošenja, i dostavlja se ponuđačima koji su učestvovali u postupku javne nabavke, u skladu sa odredbama člana 71. stav (2) Zakona o javnim nabavkama.

#### Obrazloženje

Postupak javne nabavke pokrenut je Odlukom o pokretanju postupka javne nabavke, broj: 02C-8791-1/22 od 06.09.2022. godine, JN-74/22.

Javna nabavka je sprovedena putem otvorenog postupka za dostavu ponuda.

Procijenjena vrijednost javne nabavke bez PDV-a je 177.778,00 KM.

Obavještenje o nabavci, broj: 1125-1-3-269-3-166/22, objavljeno je na Portalu javnih nabavki dana 19.09.2022. godine. Sažetak Obavještenja o nabavci objavljen je u Službenom Glasniku BiH, broj: 64/22 od 23.09.2022. godine.

Komisija za nabavku, imenovana je Rješenjem, broj: 02C-8791-2/22 od 06.09.2022. godine.

Komisija za javnu nabavku dostavila je direktoru Javne ustanove Opća bolnica „Prim. dr. Abdulah Nakaš“ Zapisnik o pregledu i ocjeni ponuda, broj: 02C-8791-8/22 od 19.10.2022. godine, Preporuku o izboru najpovoljnijeg ponuđača, broj: 02C-8791-9/22 od 19.10.2022. godine i Izvještaj o radu, broj: 02C-8791-10/22 od 19.10.2022. godine, u postupku javne nabavke – Rekonstrukcija i adaptacija prizemnog dijela objekta za potrebe dnevne bolnice/3.

U postupku po Izvještaju o radu je utvrđeno da je Komisija za nabavku blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da su u predmetnom postupku zaprimljene 2 ponude,
  - da su blagovremeno zaprimljene 2 ponude,
  - da nije bilo neblagovremeno zaprimljenih ponuda;
- da je ponuda ponuđača **GENERAL CONSTRUCTIONS d.o.o. Sarajevo** kvalifikovana i prihvatljiva za – **Rekonstrukcija i adaptacija prizemnog dijela objekta za potrebe dnevne bolnice/3**, da su dostavljeni svi traženi dokazi propisani tenderskom dokumentacijom, na propisan način.

- da se odbacuje ponuda ponuđača **KOLINVEST d.o.o. Sarajevo** iz sljedećih razloga:
  - Ponuda ponuđača nije potpuna i ne ispunjava zahtjeve iz Tenderske dokumentacije jer ponuđač nije popunio stavke od 3. do 9. na stranici 39. svoje ponude u Obrascu za cijenu ponude – Aneks 2.
  - Dvije potvrde Službe za lokalni razvoj i poslove MZ Općine Stari Grad se ne mogu prihvatiti jer iste ne sadrže vrijeme izvršenja ugovora, odnosno nisu u skladu sa zahtjevanim u Tenderskoj dokumentaciji.

Imajući u vidu prednje navedeno, odbacuje se ponuda ponuđača **KOLINVEST d.o.o. Sarajevo** za predmetnu nabavku, u skladu sa odredbama člana 68. stav (4) tačka i) Zakona o javnim nabavkama.

U postupku donošenja ove Odluke, posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača, te pregled i ocjenu ponuda, u skladu sa kriterijumima iz Tenderske dokumentacije. U postupku ocjene provedenog postupka, direktor Javne ustanove Opća bolnica „Prim. dr. Abdulah Nakaš“ nije našao razloge, nepravilnosti, niti propuste u radu, koji bi eventualno bili osnov za neprihvatanje Preporuke Komisije za nabavku. Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskim dokumentom.

Uvidom u priloženu dokumentaciju, nesporno je da je izabran ponuđač najbolje ocijenjen jer je jedini dostavio ponudu koja je kvalifikovana i prihvatljiva, te ispunjava sve uslove iz Tenderske dokumentacije.

Iz navedenih razloga, primjenom odredbi člana 64. stav (1) tačka b) Zakona o javnim nabavkama, člana 70. stavovi (1), (3) i (6) Zakona o javnim nabavkama („Službeni glasnik BiH“, broj: 39/14), člana 8. stav (2), tačka d) Pravilnika o uspostavljanju i radu Komisije za nabavke („Službeni glasnik BiH“, 103/14), i člana 27. Statuta Javne ustanove Opća bolnica „Prim. dr. Abdulah Nakaš“, odlučeno je kao u članu 1. ove Odluke.

#### **POUKA O PRAVNOM LIJEKU:**

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se izjavljuje Kancelariji za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu:


**Javne ustanove Opća bolnica „Prim. dr. Abdulah Nakaš“, Kranjčevićeva broj 12, 71000 Sarajevo.**  
 Žalba se podnosi u najmanje 3 (tri) primjerka.

Pripremila:

Aldijana Ećo, BA prava, službenik za javne nabavke

Kontrolisala:

Amira Petrović, BA općeg prava, šef Odsjeka za javne nabavke



**Dostaviti:**

- Ponuđaču: **GENERAL CONSTRUCTIONS d.o.o. Sarajevo**
- Ponuđaču: **KOLINVEST d.o.o. Sarajevo**
- Odjeljenje za računovodstvo, plan i analizu
- Odsjek za javne nabavke
- Komisija za javne nabavke
- Odjeljenje za tehničke poslove i investicije